

經禮補逸卷之七

軍禮

振旅禮

書大禹謨禹班師振旅周禮大司馬中春教振旅司馬以旗致民平列

陣如戰之陳辨鼓鐸鑼鏡之用王執路鼓諸侯執賁鼓軍將執晉鼓師

帥執提旅帥執鼙卒長執鏡兩司馬執鐸司馬執鑼以教造作進退

疾徐疏數之節大宰作大事則戒于百官贊王命謂助王為教令按春秋傳國之大事在祀

與小宰以法掌祭祀朝覲會同賓客之戒具軍旅役喪荒亦如之令

百官府共其財用治其施舍聽其治訟大司馬若大師則掌其戒令泣

太卜帥執事泣鬯主及軍器司戈盾軍旅授貳車戈盾建乘車之戈盾

授旅賁及虎士戈盾司弓矢凡師役頒弓弩授兵甲之儀司常凡軍事

建旌旗大司徒大軍役以旗致萬民而治其徒廢之政令大僕凡軍旅

贊王鼓鼓人以鼗鼓鼓軍事凡軍旅夜鼓鼙軍動則鼓其衆巾車掌王



之五路革路龍勒條纓五就建太白以即戎車僕掌戈路之萃廣車之萃闕車之萃革車之萃輕車之萃凡師共革車各以其萃典路凡軍旅以路從銜枚氏軍旅令銜枚禁響呼嘆鳴於國中者大師執同律以聽軍聲而詔告凶幕人軍旅共其帷幕幄帟綬掌次師田則張幕設重帟重案廬爰凡師役之事則治其糧與其食封人軍旅則飾其牢牲外饗師役則掌共其獻賜脯肉之事委人軍旅共其委積薪芻遺人凡師役掌其道路之委積小子凡師田斬牲以左右徇陳牛人軍事共其犒牛凡軍旅行役共其兵車之牛小行人若國師役則令犒禮之縣師若將有軍旅田役之戒則受法于司馬以作其衆庶及馬牛車輦會其軍人之卒伍使皆備旗鼓兵器以帥而至大司寇凡大軍旅泚戮于社士師大師師其屬而禁逆軍旅者與犯師禁者而戮之鄉士大軍旅則各掌其鄉之禁令帥其屬夾道而蹕

爰舍禮

大司馬中夏教爰舍如振旅之陳群吏撰車徒讀書契辨號名之用帥以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅

治兵禮

大司馬中秋教治兵如振旅之陳辨旗物之用王載大常諸侯載旂軍吏載旗師都載旛鄉遂載物郊野載旒百官載旗各書其事與其號焉其他皆如振旅

大閱禮

大司馬中冬教大閱前期群吏戒衆庶修戰法虞人萊所田之野為表百步則一為三表又五十步為一表田之日司馬建旗于後表之中群吏以旗物鼓鐸鑼各帥其民而致質明弊旗追後至者乃陳車徒如戰之陳皆坐群吏聽誓于陳前斬牲以左右徇陳曰不用命者斬之中軍以鼙令鼓鼓人皆三鼓司馬振鐸群吏作旗車徒皆作鼓行鳴鑼車

徒皆行及表乃止三鼓擁鐸群吏幣旗車徒皆坐又三鼓振鐸作旗車徒皆作鼓進鳴鑼車徒驟徒趨及表乃止坐作如初乃鼓車馳徒走及表乃止鼓戒三闕車三發徒三刺乃鼓退鳴鑼且卻及表乃止坐作如初司常掌九旗之物名各有屬以待國事日月為常交龍為旂通帛為旛雜帛為物熊虎為旗鳥隼為旟龜蛇為旐全羽為旛析羽為旌及國之大閱贊司馬頒旗物王建大常諸侯建旂孤卿建旛大夫士建物師都建旗州里建旗縣鄙建旐道車建旒旒車載旌皆畫其象焉春秋桓公六年秋八月壬午大閱

愚按周禮先王寓軍政於四時之田不廢武備中春教振旅以教坐作進退疾徐疏數之節中夏教芟舍以辨號名之用中秋教治兵以辨旗物之用其他皆如振旅然其法畧於三時而致備於中冬者為農隙也故於是時簡車徒精器物屬旗鼓以教衆庶修戰法斬牲徇陳而訓誓之使耳目之衆莫不一心驟趨之節無有非習諫一庸樸

孰一用命改易視聽以作其勇敢之氣而民趨勞如趨逸者蓋以其令之素教之善也今桓公乃大閱於煩暑之月不惟妨民失政之非而妄為僭禮之舉是豈事上臨下之道先王教民之意哉故春秋特書之以垂戒焉耳

蒐田禮

大司馬中春教振旅遂以蒐田有司表貉誓民鼓遂圍禁火弊獻禽以祭社大司徒大田役以旗致萬民而治其徒庶之政令縣正君將用野三師田行役移執事則帥而致治其政令既役則稽功會事而誅賞鄉四時之田前期出田法于州里簡其鼓鐸旗物兵器修其卒伍及其前後之屯而戮其犯命者斷其爭禽之訟稍人若有師田行役之事則以縣師之法作其司徒董輦帥而至治其政令以聽於司馬小宗伯若大田則帥有司而饁獸于郊遂頒禽肆師凡四時之大甸獵祭表貉

則為位遂師軍旅田獵平野民掌其禁令比叙其事而賞罰遂人師田
作野民帥而至掌其政治禁令甸祝掌四時之田表貉之祝號禘牲掌
其祝號小宰以法掌朝覲會同賓客之戒具軍旅田役亦如之令百官
府共其財用治其施舍聽其治訟小子凡師田斬牲以左右徇陳中車
掌王之五路木路前樊紉纓建大麾以田田僕掌馭田路以田以鄙掌
佐車之政設逆驅之車令獲者植旌及獻比禽凡田王提馬而走諸侯
晉大夫馳校人田獵則帥逆驅之車幕人田役共其帷幕幄幣綬掌次
師田則張幕設重幣重案司几筵凡田役則設熊席右漆几司常凡軍
事建旌旗田亦如之大僕凡軍旅田役贊王鼓鼓人軍動則鼓其衆田
役亦如之司弓矢殺矢鏃矢用諸田獵獸人掌畧田獸辨其名物冬獻
狼夏獻麋春秋獻獸物時田則守畧及弊田令禽注于虞中凡田獸者
掌其政令山虞若大田獵則萊山田之野及弊田植虞旗手中致禽而
珥焉澤虞若大田獵則萊澤野及弊田植虞旌以屬禽迹人凡田獵者

受令焉禁麇卵者與其毒矢射者郊特牲季春出火為焚也然後簡其
車賦而歷其卒伍而君親誓社以習軍旅左之右之坐之起之以觀其
習變也而流示之禽而鹽諸利以觀其不犯命也鹽讀為豔散曲禮國
君春田不圍澤大夫不掩群士不取麇卵詩吉日既張我弓既挾我矢
發彼小豝殪此大兕盧令刺荒于田也春秋傳魯昭公八年蒐于紅艾
蘭以為防置旃以為轅門以葛覆質以為墊流旁握御擊者不得入車
軌塵馬候蹄揜禽旅御者不失其馳然後射者能中過旁弗逐下從奔
之道也

愚按艾蘭以為防以大艾草為防營也置旃以為轅門旃旗名謂植
旗以為門轅門是植軍以為門舍其五十步後表之中謂君表也覆
纒質纒葉門闌也以毛裘纒質之上以為門闌也流旁握握四寸謂
車與門之廣狹相值差偏以寸則擊挂於葉驅而不得入矣車軌塵
塵不出徹馬候蹄發足疾遲相應也按詩傳朱子謂寫作褐即裘纒

質流旁握即間容握文義相同攷之車之制具見於考工記輪人與人之治御之名僅見於保氏五御之目是制莫難於車御莫難於人習莫難於戰所謂以不教民戰是謂棄之也此故因田車之御以閱軍旅之車習民於變為戰之備所謂教於田獵以習五戎是也夫群卒伍之衆局能虎之氣三鼓振鐸當軍徒驟趨禽獸流崩之時騎射驅逐之際苟御之不以其道勘失之寸則車挂馬潰駭而莫之為射不及中而犯命之罰及之習之為易乎噫御車節奏之法其難如此則夫御人之道又何如哉

苗田禮

大司馬中夏教若舍遂以苗田如蒐之法車弊獻禽以饗初王制天子殺則下大綏諸侯殺則下小綏大夫殺則止佐車佐車止則百姓田獵

獮田禮

大司馬中秋教治兵遂以獮田如蒐田之法羅弊致禽以祀祊肆師獮之口泣下來歲之戒春秋莊公八年春甲午治兵月令季秋天子乃教於田獵以習五戒五戒謂弓矢及矛

狩田禮

大司馬中冬教大閱遂以狩田以旌為左右和之門群吏各帥其車徒以叙和出左右陳車徒有司平之旗居卒間以分地前後有屯百步有司巡其前後險野人為主易野車為主既陳乃設驅逆之車有司表貉于陳前中軍以鼙令鼓鼓人皆三鼓群司馬執振鐸車徒皆作遂鼓行徒銜枚而進大獸公之小獸私之獲者取左耳及所弊鼓皆戒車徒皆譟徒乃弊致禽饁獸于郊入獻禽以享丞詩車攻田車既好駕言行狩春秋桓公四年春正月公狩于郎

禹按郎非國內之狩故書地譏遠也

禋禮

太祝大師禱上帝詩皇矣篇是禱是禡王制天子將出征類乎上帝
愚按國之大事在祀與戎此為師祭也師興征伐類于上帝言禮以
敬其事也

禡禮

大司馬有司表貉于陳前甸祝掌四時之田表貉之祝號肆師凡四時
之大甸獵祭表貉則為位王制禡於所征之地詩皇矣是類是禡
按禡行師之祭也

宜禮

大祝大師宜于社王制天子將出征宜乎社春秋左傳受脰于社
愚按宜出兵祭社之名社所以神地道主陰先王建國左祖右社大
社左庫門之內右國社亦在公宮之右皆尚陰也陰主殺故誓社而
田因田而習軍旅出征祭之稱其義也然征既宜于社而又類于上
帝造于祖禡何哉蓋生殺非王者所得私也類于上帝明奉天討也

造于祖禡示受命于廟不敢自專也曰類曰宜曰造祭雖先後不同
合周官王制泰誓言之其義各有攸當也

造禮

大祝掌六祈以同鬼神示二曰造大師造于祖王制天子將出征造乎
禡
愚按造造而告之之祭也告于祖禡告以道其事而致其敬也致之
王制又曰受命于祖泰誓曰受命于文考此蓋因造告于廟受命
于祖考而後征也

祭馬祖禮

校人春祭馬祖執駒庾人掌阜馬及祭馬祖詩吉日吉日維戊既伯既
禱

按伯馬祖也謂天駟房星之神也禱祀而祈之也
祭先牧禮

校人夏祭先牧頒馬攻特使人祭蘭之先牧

祭馬社禮

校人秋祭馬社城僕

祭馬步禮

校人冬祭馬步獻馬講馭夫甸祝禩牲禩馬皆掌其祝號

大合軍禮

大司馬及師大合軍以行禁令以救無辜伐有罪

誓師禮

士師以五戒先後刑罰一曰誓用之于軍旅大司徒施十有二教八日以誓教恤則民不怠書大禹謨禹乃會群后誓于師曰濟有衆咸聽朕命止其克有勳甘誓大戰于甘乃召六卿王曰嗟六事之人予誓告汝止予則孥戮汝胤征惟仲康肇位四海胤侯命掌六師羲和廢厥職酒荒于厥邑胤侯承王命徂征告于衆曰嗟予有衆止其爾衆士懋戒

哉湯誓王曰格爾衆庶悉聽朕言止罔有攸赦泰誓惟十有三年春大會于孟津王曰嗟我友邦冢君越我御事庶士明聽誓言止時哉不可失維戊午王次于河朔群后以師畢會王乃徇師而誓曰嗚呼止惟克永世時厥明王乃大巡六師明誓衆士王曰嗚呼我西土君子止維予小子無良牧誓時甲子昧爽王朝至于商郊牧野乃誓王左杖黃鉞止其于爾躬有戮

致師禮

環人掌致師大司馬及致建大常比軍衆誅後至者春秋傳宣公十二年楚許伯衛樂伯攝叔爲右以致晉師許伯曰吾聞致師者御靡旌摩壘而還樂伯曰吾聞致師者左射以敢代御執轡御下兩馬掉鞅而還攝叔曰吾聞致師者右入壘折馘執俘而還皆行其所聞而復

大獻禮

大祝軍歸獻于社則前祝大司馬若師有功則左執律右執鉞以先愷

樂獻于社大司樂王師大獻則令奏愷樂、師凡軍大獻教愷歌遂倡
 之賦賸賓射皆奏其鍾鼓愷獻亦如之罇師軍大獻則鼓其愷樂春秋
 左傳凡諸侯有四夷之功則獻于王王以警于夷中國則否諸侯不相
 遺俘僖公二十八年五月丁未晉侯獻楚俘于王駟介百乘徒兵千文
 公四年甯武子曰諸侯獻王所愷而獻其功王於是乎賜之彤弓一彤
 矢百筮弓矢千以覺報宴成公二年晉侯使鞏朔獻齊捷于周王弗見
 使單襄公辭焉曰蠻夷戎狄不式王命淫泆毀常王命伐之則有獻捷
 王親受而勞之所以懲不敬勸有功也兄弟甥舅侵敗王略王命伐之
 告事而已不獻其功所以敬親暱禁淫慝也今叔父克遂有功於齊而
 奸先王之禮余雖欲於鞏伯其敢廢舊典以忝叔父夫齊甥舅之國也
 而大師之後也寧不淫於其欲以怒叔父抑豈不可諫誨士莊伯不能
 對鄭伐陳入之子產獻捷于晉戎服將事晉人問陳之罪對曰昔虜
 父為周陶正以服事我先王我先王賴其利器用也與其神明之後也

庸以死女大姬配胡公而封諸陳以備三恪則我周之自出至于今是
 賴桓公之亂蔡人欲立其出我先君莊公奉五父而立之蔡人殺之我
 又與蔡人奉戴厲公至於莊宣皆我之自立夏氏之亂成公播蕩又我
 之自入君所知也今陳忘周之大德篋我大惠弃我姻親介恃楚眾以
 憑陵我敝邑不可億逞我是以有往年之告未獲成命則有我東門之
 役當陳隧者井堙水刊敝邑大懼不競而耻大姬天誘其衷啓敝邑心
 陳知其罪授手于我用敢獻功晉人曰何故戎服對曰我先君武莊為
 平桓卿士城僕之役文公布命曰各服舊職命我文公戎服輔王以授
 楚捷不敢廢王命故也士莊伯不能詰乃受之襄公二十五年成公二
 年鄭皇成如楚獻捷昭公十年季平子伐莒取郟獻俘十七年晉荀吳
 滅陸渾獻俘于文宮

釋奠獻饋禮

大祝及軍歸反行舍奠王制出征執有罪及釋奠于學以訊馘告

愚按訊者問其首惡賊者截其在耳夫執訊獲醜而反舍奠于先聖先師以是告之者蓋始出征受成于學今師還以武功告成于文德之地明不專恃乎威戮而必任之以德禮也昔僖公在頻獻馘而國人以文武頌之者亦以此歟

大均禮

大宗伯大均之禮恤衆也大司馬均守平則以安邦國大司徒以土均之法辨五物九等制天下之地征以作民職以令地貢必斂財賦以均齊天下之政小司徒受邦國之比要乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦乃分地域而辨其守施其職而平其政土均賞平土地之政以均地事以均地貢均人掌均人民牛馬車釐之力政以歲上下書康誥昔君文武丕平富

大役禮

大宗伯大役之禮任衆也小司徒大軍旅帥其衆庶小軍旅巡役乃均土地以稽其人民而周知其數上地家七人可任也者家三人中地家六人可任也者家五人下地家五人可任也者家二人凡起徒役毋過家一人以其餘為羨唯田與追胥竭作鄉大夫以歲時登其夫家之衆寡辨其可任者國中自七尺以及六十野自六尺以及六十有五皆征之其舍者國中貴者賢者能者服公事者老者疾者皆舍大司馬凡令賦以地與民制之上地食者參之二其民可用者家三人中地食者半其民可用者一家五人下地食者參之一其民可用者家二人大役與慮事屬其植受其要以待考而賞誅縣士邦有大役聚衆庶則各掌其縣春秋左傳凡土功龍見而畢務戒事也火見而致用水昏正而裁日至而畢

大封禮

大宗伯大封之禮合衆也大司徒辨其邦國都鄙之數制其畿疆而

封之大司馬制畿封國以正邦國形方氏掌制邦國之地役而正其封疆無有華離之地司凡筵凡封國王位設輔依內史凡命諸侯及孤卿大夫則冊命之大宗伯王命諸侯則饋大司徒凡建邦國以土圭土其地而制其役諸公之地封疆方五百里其食者半諸侯之地封疆方四百里其食者參之一諸伯之地封疆方三百里其食者參之一諸子之地封疆方二百里其食者四之一諸男之地封疆方百里其食者四之一凡造都鄙制為地域而封溝之以其室數制之不易之地家百畝一易之地家二百畝再易之地家三百畝

愚按大司徒論公侯伯子男之地各以封疆言而其食者或半或參之一或四之一參諸王制以田言孟子以班祿言蓋皆專主田祿此正周禮所謂食者也大抵周禮所載凡五等通以封疆言其附庸在其內王制孟子凡三等專以田祿言附庸不在其列此所以有多寡之殊也嘗攷周公之封於魯太公之封於齊孟子所謂侯方百里也

然魯頌有曰王曰叔父建爾元子乃命魯公俾侯于東錫之山川土田附庸又曰奄有龜蒙遂荒大東至于海邦淮夷來同此豈魯方百里所能容乎左傳有曰昔召康公命我先君太公夾輔周室賜我先君履東至于海西至于河南至于穆陵北至于無棣此豈齊方百里所能容乎要之周之封爵惟杞宋為上公齊魯爵皆侯侯之封疆方四百里其食者參之一食者參之一則封疆百里有奇正孟子王制所謂侯方百里魯頌所謂錫之土田者也其餘封疆逾三百里正魯頌所謂錫之附庸如魯有邾莒顓臾之類是已職方氏凡邦國千里封公以方五百里則四公方四百里則六侯方三百里則七伯方二百里則二十五子方百里則百男以同知天下周易師上六大君有命開國承家

大封告后土禮

大宗伯王大封則先告后土大祝建邦國先告后土用牲幣

經禮補逸卷之八

賓禮

朝禮

周禮大宗伯春見曰朝大行人春朝諸侯而圖天下之事幕八牀朝觀
 共其帷幕幄帟綬掌次諸侯朝觀則張大次小次小臣朝觀沃盥司
 几筵凡大朝覲王設位黼依依前南向設樂懸紛純加繅席畫純加次
 席黼純左右玉几典瑞公執桓圭侯執信圭伯執躬圭繅皆三采三就
 子執殺璧勇執蒲璧綠皆二采再就以朝于王大史朝覲以書協禮事
 執書以詔王司士正朝儀之位辨其貴賤之等三公北面東上孤東面
 北上卿大夫西面北上朝士掌外朝之法左九棘孤卿大夫位焉群士
 在其後右九棘公侯伯子男位焉群吏在其後面三槐三公位焉州長
 衆庶在其後

愚按周官有三公三孤之官而周禮不言其職論者乃謂師氏保氏

卽大師大保鄉老二卿則公一人註則以為三公豈知師氏保氏乃中下大夫之職且未聞以傳稱而鄉老公一人乃置地官之列屬然則三公居六卿之上而遽以是為三公之師保可乎據今朝士司士所稱是則周禮未嘗不言公孤也特以六卿而土兼公孤故不正言其職以繫六官之下爾參諸周書顧命曰召大保奭芮伯彤伯畢公衛侯毛公此蓋當時之六卿而奭以大保言毛畢以公言是以卿兼公故以公稱餘三人者以卿而兼孤又可以類推也此不可不辨

大宗伯朝覲則為上相大司寇凡朝覲前王大僕王視朝則正前位而退入亦如之射人朝覲作大夫介校人朝覲毛馬而頒之飾幣大司徒大賓客令野修道委積委人賓客共其芻薪小宗伯大賓客灋凡筮筮鬻贊果將鬱人掌賓客之裸事和鬱必以實瘳而陳之旌人凡賓客舞燕樂籥師祭祀則鼓羽籥之舞賓客則亦如之餘人掌治備見燕樂籥師祭祀則鼓羽籥之舞賓客則亦如之燕樂籥師祭祀則鼓羽籥之舞賓客則亦如之燕樂籥師祭祀則鼓羽籥之舞賓客則亦如之以九儀辨諸侯之命等諸臣之爵以同邦國之禮上公之禮執桓圭九

寸纁藉九寸冕服九章建常九旒樊纓九就貳車九乘介九人禮九牢其朝位賓主之間九十步立當車軹擯者五人諸侯之禮執信圭七寸纁藉七寸冕服七章建常七旒樊纓七就貳車七乘介七人禮七牢朝位賓主之間七十步立當前疾擯者四人諸伯執躬圭其他皆如諸侯之禮諸子穀璧五寸纁藉五寸冕服五章建常五旒樊纓五就貳車五乘介五人禮五牢朝位賓主之間五十步立當車衡擯者三人諸男執蒲璧其他皆如諸子之禮凡諸侯之卿其禮各下其君二等以下及其大夫士皆如之邦畿方千里其外方五百里謂之侯服歲一見又其外方五百里謂之甸服二歲一見又其外方五百里謂之采服四歲一見又其外方五百里謂之衛服五歲一見又其外方五百里謂之要服六歲一見

愚按大司馬曰九畿職方氏曰九服服言服事天子畿猶疆限之謂其方里則同也參之周官乃曰六服五服何邪葛氏註謂侯甸男采

衛并畿內為六服程氏伯圭釋謂五服蓋指甸男采衛要而侯服不

在其數二說皆未安按大行人六服侯甸男采衛要是知要服即蠻

服也其曰五服一朝者要服不與其列其曰九服而來朝者亦止五

服蓋衛服之外聖人雖制之服令蕃國世一見而不必其來非若五

服一歲至五歲各以所貢來見也攷之武成止曰邦甸侯衛酒誥康

王之誥止曰侯甸男衛康誥亦止曰侯甸男采衛而蠻夷鎮蕃不與

焉於此不必辨其服之異而自得其說之同矣

司儀掌九儀之賓客擯相之禮將合諸侯則令為壇三成宮旁一門詔

王儀南面見諸侯士揖庶姓時揖異姓天揖同姓及其擯之各以其禮

愚按大行人司儀掌九儀賓客擯相之禮而置司寇刑官之屬其稱

名也不幾於雜乎徐攷六官之中若此者衆如司士掌群官之版正

朝廷之位而屬司馬之類是已論者率謂六官互相聯屬故六屬互

相參錯然也豈知聯屬者此固周官立法之善然參錯者則未必若

是其不倫也又按小宰記六官六屬各六十秋官自大司寇以下尚

六十五人其職屬多寡不同初無是也要亦後之編錄散帙者不免

遞相差易故爾觀者察焉

小行人令諸侯春入貢王親受之各以其國之籍禮之凡諸侯入王則

通勞于畿及郊勞眠館將幣為承而擯曲禮天子當宁而立諸公東面

諸侯西面曰朝鄭注春秋受幣於廟受享於廟凡天子三朝一在

東門之外謂之外朝朝士掌之

愚按天地位而尊卑定矣卑高陳而貴賤位矣王者首出庶物德配

二儀其尊貴明矣而聖人所恃以為天下者不獨恃其尊貴勢分也

故於諸侯之卑其中同姓則有伯父叔父焉異姓則有伯舅叔舅焉

有兄弟焉有婚姻焉於其來朝也逆勞眠館具備多儀篤以親親之

恩接以主擯之禮而恩禮雖平尊貴勢分之間有莫知其德之感

化之至也此春朝所以異乎覲禮之受於廟而臣皆北面也夫摯貢

諸所以述職也今也親受之於朝其志重於器物者明尊賢之禮等也祭器天子所以事神也今焉用之於大饗其致敬於賓客者示神事之禮同也若是者豈天子自示寡昧而忘其尊卑之分哉蓋以億兆歸命于一人未易遽化也治亂潛幾於一德而一德難乎遽孚也於是崇德率衆謙已下賢俾上之恩深下之報厚內外同獎於一心遠近咸歸於一德卒致垂拱成化享國永年而能保其尊貴者有由來矣此所以為三代之至文朝見之盛禮也

書周官六年五服一朝王制天子無事與朝侯相見曰朝考禮正刑一德以尊天子曲禮君天下曰天子朝諸侯分職受政任功曰予一人諸侯見天子曰臣某侯某按此擯者告天子之辭也凡自稱皆曰寡人樂記朝覲然後諸侯知所以臣春秋隱公十一年春滕侯薛侯來朝哀公二年夏滕子來朝不來至

愚按春秋書朝三十有六始於滕薛終於滕子然當時或受其朝禮

而不報或累往不納而以歸厚薄疏數之節不惟無合於先王殷聘世朝之儀而諸侯於天子述職之典蓋缺如也經皆書而不削以示強弱安危是非邪正為後世鑒也

覲禮

大宗伯秋見曰覲大行人秋覲以比邦國之功小行人令諸侯秋獻功王親受之各以其國之籍禮之訝士邦有賓客則與行人送逆之入於國則為之前驅而辟野亦如之居館則帥其屬而為之蹕小司徒乃頒比法于六卿大夫夫使各登其鄉之衆寡六畜車輦辨其物鄉師以國比之法以時稽其夫家衆寡辨其老幼貴賤廢疾馬牛之物若國大比則攷教察辭稽器展事以詔誅賞曲禮天子當依而立諸侯北面而見天子曰覲按秋覲一受之於廟觀詩韓侯入覲以其介圭入覲于主春秋左傳襄公三十一年子產曰諸侯賓至個設庭燎詩韓奕篇韓侯入覲以其介圭入覲于主觀禮諸侯辭于天子王曰伯父無事歸寧乃邦

愚按此諸侯入辭而天子告之之辭也忠厚警戒藹然見之參之書
文侯之命曰父義和其歸視爾師寧爾邦其義同也

宗禮

大宗伯夏見曰宗大夏行人夏宗以陳天下之謨司會以九貢之法致
邦國之財用以九賦之法令田野之財用以九功之法令民職之財用
以九式之法均節邦之財用以周知四國之治大司徒施十有二教焉
一曰以祀禮教敬則民不苟二曰以陽禮教讓則民不爭三曰以陰禮
教親則民不怨四曰以樂禮教和則民不乖五曰以儀辨等則民不越
六曰以俗教安則民不偷七曰以刑教中則民不蔑八曰以誓教恤則
民不怠九曰以度教節則民知足十曰以世事教能則民不失職十有
一曰以賢制爵則民慎德十有二曰以庸制祿則民與功齊僕以宗遇
皆乘金路其法儀各以其等為車送逆之節詩朝宗于海

遇禮

大宗伯冬見曰遇大行人冬遇以協諸侯之慮掌交掌以節與幣巡邦
國之諸侯道王之德意志慮使咸知王之好惡曲禮諸侯未及期相見
曰遇春秋隱公四年夏公及宋公遇于清莊公三十二年夏宋公齊侯遇于梁丘
愚按古者諸侯相覲于王不期而遇諸塗則舉相見之禮猶存恭肅
之心若春秋書遇則皆惡其簡禮之私而無合乎先王制禮之意也

時會禮

大宗伯時見曰會大行人時會以發四方之禁大宗伯會同則為上相
大司馬會同則帥士廢子而掌其政令小司馬會同掌其事如大司馬
之法射人會同作大夫介諸子凡會同作群子從司士凡會同作士從
小祝凡外內小會同掌事焉旅賁氏掌執戈盾夾王車而趨左八人右
八人凡會則服而趨車僕凡師共革車各以其萃會同亦如之虎賁氏
掌先後王而趨以卒伍軍旅會同亦如之司兵軍事建車之五兵會同
亦如之司常掌九旗之物名各有屬凡祭祀各建其旗會同亦如之典

路凡會同以路從司戈會同授武車戈盾建乘車之戈盾授旅賁及虎氏戈盾掌次諸侯會同則張大次小次幕人凡會同共其帷幕幄帟綬掌舍掌主會同之舍設櫪桓再重設車宮轅門為壇遺宮棘門為帷宮設旌門外府凡會同共其財用之幣旃賜予之財用廩人凡邦有會同之事則治其糧與其食遺人凡會同掌其道路之委積校人凡會同毛馬而頒之飾幣射鳥氏掌祭祀以弓矢歐鳥為凡會同亦如之戎右會同充革車司右凡會同合其車之卒伍而比其乘屬其右牛人凡會同共其兵車之牛稍人若有會同則以縣師之法作其同徒饗輦帥而至縣師若將有會同之戒則受法于司馬以作其衆庶及馬牛車輦會具車人之卒伍使皆備旗鼓兵器以帥而至司弓矢凡會同頒弓弩各以其物從授兵車之儀大司馬以九伐之法正邦國馮弱犯寡則青之賊賢害民則伐之暴內凌外則壇之野荒民散則削之負固不服則侵之賊殺其親則正之放弑其君則殲之犯令陵政則杜之外內亂鳥獸行

則滅之大司寇凡會同前王小司寇乃宣布于四方憲刑禁士師掌國之五禁一曰宮禁二曰官禁三曰國禁四曰野禁五曰軍禁布憲執旌節以宣布于四方而憲邦之刑禁掌交以諭九禁之難曲禮諸侯相見於卻地曰會春秋隱公二年公會戎于潛哀公十三年夏公會晉侯及吳子于黃池

愚按時會謂時見也發禁者凡諸侯有不順服王則合諸侯而發其禁令以行征討之事如九伐之法此先王時會之禮也春秋書會九十五始於潛終於黃池中間彼善於此僅有蕭魚之特筆餘皆非王事而私會殊非周官入會致事禁止不義之制矣故曰凡書會皆譏也

殷同禮

大宗伯曰殷見曰同大行人殷同以施天下之政小行人其禮俗政事之逆順每國辨異之以反命于王以周知天下之故大司馬掌建邦國

之九法以佐王平邦國制畿封國以正邦國設儀辨位以等邦國進賢
興功以作邦國建牧立監以維邦國制軍詰禁以糾邦國施貢分職以
任邦國簡籍鄉民以用邦國均守平則以安邦國比小事大以和邦國
正月之吉始和布政于邦國都鄙乃縣政象之法于象魏使萬民觀政
象

愚按周禮冬官久亡於象法之縣否無可攷也餘四官皆縣象法而
何獨宗伯畧焉蓋冢宰司徒司馬司寇之所職曰治曰教曰政曰刑
此皆親民之事故各縣象法以示之若宗伯所職曰禮曰樂率皆朝
廷宗廟之事於民為踈遠而且禮樂實本諸人心之和順非可以象
求故畧之無庸縣可也或曰治教政刑皆可縣象於一時而禮樂之
器之文其為品節制度此獨不可以一二象法示人而塗斯民耳目
於無聞見之地邪曰六藝十二教之目禮樂具述其中而五禮六樂
中和之教以防萬民之情偽者為尤著是以禮樂示斯民之教者固

已縣諸地官司徒之教法而宗伯則以朝廷宗廟之禮樂為專職焉
學者於此無徒事乎器物示人之粗迹而必求之人心之和順以推
原聖人制作之微意則禮樂中和之教法不獨縣諸司徒而有得於
吾心之實者縣象昭昭矣因并釋之

乃以九畿之籍施邦國之政職方千里曰國畿其方五百里曰侯畿又
其外方五百里曰甸畿又其外方五百里曰男畿又其外方五百里曰
采畿又其外方五百里曰衛畿又其外方五百里曰蠻畿又其外方五
百里曰夷畿又其外方五百里曰鎮畿又其外方五百里曰藩畿凡令
賦以地與民制之

時聘禮

大宗伯時聘曰問大行人時聘以結諸侯之好小行人合六幣圭以馬
璋以皮璧以帛琮以錦琥以繡璜以黼此六物者以和諸侯之好典瑞
琬圭以結好掌交掌邦國之通事而結其交好曲禮諸侯使大夫問於

諸侯曰聘春秋隱公七年齊侯使其弟年來聘

愚按古者諸侯間於天子之事則有使問之聘詳見儀禮篇春秋諸侯朝禮不修間自相聘書於經者二十五始於弟年終於士鞅皆惡其挾邦交之私非時聘結好之禮故觀年之書法則可以推其餘矣

殷覲禮

大宗伯殷覲曰視大行人殷覲以邦國之慝王之撫所以撫邦國諸侯者三歲徧覲小行人其悖逆暴亂作慝猶犯令者毋國辨異之以反命于王以周知天下之故典瑞琬圭璋璧琮繅皆二采一就以覲聘琬圭以除慝誦訓掌道方慝以詔辟忌以知土俗王巡守則先王車左人掌達法則左邦國而觀其慝

間問禮

大行人間問以諭諸侯之志掌大賓之禮以親諸侯上公之禮三問三勞諸侯之禮再問再勞諸伯如諸侯之禮諸子之禮壹問壹勞諸男如

諸子之禮掌交掌以節與幣處邦國之諸侯道王之德意志慮使咸知王的好惡訓誦掌道方志以詔觀事擇人掌誦王志道國之政事以巡天下之邦國而諭之

贊貢禮

大行人侯服其貢祀物甸服其貢嬪物男服其貢器物采服其貢服物衛服其貢材物要服其貢皂物

將幣禮

大行人上公廟中將幣三享王禮再裸而酢諸侯廟中將幣三享主禮一裸而酢諸伯如諸侯之儀諸子廟中將幣三享主禮一裸不酢諸男如諸子之禮小行人凡諸侯入將幣為承而擯司儀掌九儀賓客擯相之禮公於上等侯伯於中等子男於下等其將幣亦如之

饗食禮

大行人上公饗禮九獻會禮九牢出入五積諸侯饗禮七獻會禮七牢

出入四積諸伯如諸侯之禮諸子饗禮五獻食禮五牢出入三積諸男如諸子之禮

錫命禮

大宗伯王命諸侯則擯與命掌諸臣之五等之命上公九命為伯其國家宮室車旗衣服禮儀皆以九為節侯伯七命其國家宮室車旗衣服禮儀皆以七為節子男五命其國家宮室車旗衣服禮儀皆以五為節王之三公八命其卿六命其大夫四命及其出封皆加一等其國家宮室車旗衣服禮儀亦如之書說命命之曰朝夕納誨以輔台德止欽于時命其維有終敬子之命王若曰爾惟踐修厥德慎有令聞恪慎克孝爾子紳人予嘉乃德曰馬不思上帝時歆下民祗協庸建爾于上公尹茲東夏欽哉往敷乃訓慎乃服命蔡仲之命王若曰小子胡惟爾率德改行克慎厥猷肆予命爾侯于東土往即乃封敬哉畢命王曰嗚呼父師今予祗命公以周公之事往哉問命曰今予命汝作大正正于群僕

侍御之臣懋乃后德交修不逮文侯之命王曰父義和其歸視爾師寧爾邦用資爾拒管一占彤弓一彤矢百盧弓一盧矢百馬四匹父往哉柔遠寧邇惠康小民無荒寧簡恤爾都用成爾顯德周易師九二王三錫命晉康侯用錫馬蕃庶晝日三接詩韓奕韓侯受命王親命之王錫韓侯淑旂綬章彤弓彤矢召弓召矢受言截之我有嘉賓中心貺之采芣君于來朝何錫予之雖無予之路車乘馬又何予之玄衮及黼春秋莊公元年王使榮叔來錫桓公命

愚按周制諸侯踐位而入見則有錫命修聘來朝則有錫命能敵王所餼而獻功則有錫命此禮之正也若書稱蔡仲之命文侯之命詩稱王錫韓侯王命召虎之類是已若遣使就其國而錫命之禮無是也如春秋書王使榮叔來錫桓公命天王使毛伯來錫公命之類皆非正也比事以觀義自見矣

左傳僖公二十八年王享醴命晉侯省賜之大路之服戎路之服文公

四年甯武子曰諸侯敵王所愾而獻其功於是乎賜之彤弓一彤矢百
旅弓矢千何氏曰禮有九錫一車馬二衣服三樂則四朱戶五納陛六
虎賁七弓矢八鈇鉞九桓棊

王制天子賜諸侯樂則以祝將之賜伯子男樂則以鼗將之諸侯賜之
矢然後征賜鈇鉞然後殺賜三墳然後為鬯

經禮補逸卷之八

經禮補逸卷之九

嘉禮

飲食禮

大宗伯以飲食之禮親宗族兄弟小宗伯掌三族之別以辨親疎大僕
王燕飲則相其法小臣饗食掌事如大僕之法鍾師凡饗食奏燕樂鐘
師凡祭祀鼓其金奏之樂饗食亦如之籥師祭祀則鼓羽籥之舞饗食
則亦如之文王世子若公與族燕則異姓為賓膳宰為主人公與父兄
齒族食世降一等公與族燕則以齒而孝悌之道達矣其族食世降一
等親親之殺也

愚謂盛哉先王之禮也其本在於養性防欲其用在於視聽言動周
旋揖遜之間使人之視聽言動周旋揖遜一於禮則安有放其邪心
驕奢淫佚蕩而莫之節者哉不放其邪心不驕奢淫佚蕩而莫之節
則禍亂可息孝弟可行治教可興其立意微其為法遠矣故設其器

備其物辨其數立其文以待其有事者其用則在乎視聽言動周旋揖遜之間而已然孝弟莫始於親親親親之心無所不用則燕之禮不得而廢焉燕之禮不得而廢則設其器備其物辨其數立其文以待其有事者於是而用之也是故莫尊乎君也君雖尊不以位加於父兄燕序必以齒者達乎孝弟之道也莫親乎同姓也然親親不可以無殺燕則族人世降一等焉凡燕之禮必主賓以備酬酢而族燕之賓主則異姓與膳宰為之者篤親之道也夫飲食口腹之欲也而必節之以禮則驕奢淫佚平而無過也歌舞耳目之欲也而必和之以樂則言動揖遜易而無乖也莫不由親以篤乎恩有恩以著乎愛有愛以盡其禮盡其禮則言動視聽周旋揖遜之間不徒接乎耳目所以服習而安之者自得於養性防欲之幾也雖然不特宗族兄弟之親也遠而異姓諸侯之君臣以至於蠻貊夷狄之邦皆是禮之行故人說而天下服矣人說而天下服則禍亂何由作

亂不作則孝弟行而治教興矣此乃先王之所以為燕也嗚呼於此可以觀其禮之盛矣

月令季冬之月命樂師大合吹而罷註歲將終與族人大飲以終恩也王居明堂

禮季冬命國為酒以合三族大傳上治祖禰下治子孫旁治昆弟合族以食序以昭繆穆別之以禮義人道竭矣

愚按此言繼祖收族之禮故有上治下治旁治之道以正其恩之隆殺屬之戚疏也蓋合族以食使之有所同而尊卑之禮一序以昭穆使之有所異而親疎之義明如此則皆有禮義之別而人之道盡於此矣抑嘗論之大宗無子則族人以支子為之後為所後服斬衰三年而降本親父母為期何也蓋於所後者以尊服服之又為降已親之服所以明所後者之為重而於大宗者上以繼祖下以收族不可以絕此聖人制禮之意也或謂為人後者當易其父母之名從所後者為屬而使之無二是未攷於禮也蓋父母之服嘗降使明所後者

重而已非遂以謂當變其親也親不當變則名可得而易乎名不可
得而易則期服雖除心喪三年禮不可變也而謂輒可以絕其親乎
不絕其親而能使其屬之疏者相與為重親之厚者相與為輕在以
禮義明其內而不在於惡其為二而強易其名於外也雖然降父母
之服禮則有之矣絕父母之名禮未之前聞也禮喪服齊衰不杖期
章曰為人後者為其父母服此其名之見於經未嘗易也經既不易
則凡為人後者生曰本親父母沒曰考妣禮之正也愚故因昭穆之
別特附其說于下以俟知禮者商確焉

詩棠棣篇僖爾遵豆飲酒之飲兄弟既具和樂且孺伐木篇伐木許之
醴酒有與既有肥羜以速諸父頌弁爾酒既旨爾殽既嘉豈伊異人兄
弟匪他

冠禮

大宗伯以冠昏之禮親成男女禮記冠義始冠之緇布之冠也大古冠

布緇齊則緇之其綏也適子冠於阼以著代也內則二十而冠玉藻始
冠緇布冠自諸侯下達冠而敝之可也玄冠朱組纓天子之冠也緇布
冠績綏諸侯之冠也郊特牲無大夫冠禮古者五十而後爵何大夫冠
禮之有諸侯之有冠禮夏之末造也天子之元子士也天下無生而貴
者也繼世以立諸侯象賢也冠義曰冠者禮之始也是故古者聖王重
冠古者冠禮筮日筮賓所以敬冠事故冠事所以重禮重禮所以為國
本也重冠故行之於廟行之於廟者所以尊重事

三加冠禮

郊特牲醮於客位嘉有成也三加彌尊踰其志也冠而字之敬其名也
委貌周道也童甫殷道也毋牟追推夏后氏之道也此始加周弁殷
謂夏收此三加三王共皮弁素積此論再加士冠禮始加祝曰令月吉
日始加元服棄爾幼志順爾成德壽考維祺介爾景福再加曰吉月令
辰乃申爾服敬爾威儀淑慎爾德稌壽萬年水受胡福三加曰以歲之

正以月之令咸加爾服兄弟具在以成厥德黃帝無疆受天之慶

昏禮

大宗伯以冠昏之禮親成男女媒氏掌萬民之判凡男女自成名以上皆書年月日名焉令男三十而娶女二十而嫁凡娶判妻入子者皆書之黨正凡黨之昏冠教其禮事掌其戒禁

愚按妻由判合故云判子者謂媵娣之類非聘之正故云入夫國之男女至衆也年月日名自成名以上皆書之及其判入又書日月以告君禮不幾於繁乎詎知先王之制所以厚男女之別正婚姻之禮者其馭人倫謹始之道至簡而要也夫自有別推而至於萬物安則禮始於謹夫婦者繫於國之男女况於南面天下之主哉是故古之君子未嘗不以身化也故家人之義歸於反身二南之業本於文王世皆知內而后妃有關雎之行外而群臣有二南之美而不知其謹始由於文王之身化也考之行露之詩野有死麕之作專言男女貞

潔強暴不能侵陵彼乘約肆淫丈夫尚不能安其守顧令天下之女子能之何其盛也人徒見江漢之小國鬼置之野人莫不蒙化而善俗而不知其所以然者又本諸先王教化之行禮制之謹有以致之也於此可以觀禮而得其要矣

曲禮故日月以告君齊戒以告鬼神為酒食以召鄉鄰僚友以厚其別也郊特牲夫昏禮萬世之始也娶於異姓所以附遠厚別也告之以直信信事人也信婦德也一與之齊終身不改故夫死不嫁曾子問娶婦之家三日不舉樂思嗣親也禮記昏禮不賀人之序也

問名禮

媒氏掌凡男女自成名以上皆書名焉曲禮男女非有行媒不相知名

納幣禮

媒氏凡嫁子娶妻入幣純帛無過五兩曲禮非受幣不交不親郊特牲幣必誠辭無不腆

執事見禮

郊特牲執事以相見敬章別也按禮所表記無禮不相見也欲民之無相聚也

親迎禮

郊特牲男子親迎男先於女剛柔之義也天先乎地君先乎臣其義一也婿親御授綏親之也親之也者親之也敬而親之先王之所以得天下也出乎大門而先去聲男帥女女從男夫婦之義由此始也禮記哀公問冕而親迎不已重乎孔子對曰合二姓之好以為宗廟社稷主君何謂已重乎詩大明篇文定厥祥親迎于渭韓奕篇韓侯取妻汾王之甥蹶父之子韓侯迎止于蹶之里

見舅姑禮

昏義夙興婦沐浴以俟見質明贊見婦於舅姑婦執筭棗栗段脩以見贊醴婦祭脯醢祭醴成婦禮也舅姑入室婦以特豚饋舅婦順也郊

特牲厥明婦盥饋舅姑卒食舅姑降自西階婦降自阼階

見廟禮

禮記曾子問三月而廟見稱來婦也擇日而祭禰成婦之義也

愚按禮舅姑存成婚明日婦見舅姑共盥饋之禮此成昏三月擇日

祭禰者則舅姑已沒而婦見于廟也非謂廟見後擇日又祭也婦人

謂嫁曰歸故稱來婦詩謂之子于歸易言歸妹是矣曰成婦之義者

謂生既不獲共養于舅姑廟祭亦如生成盥饋之禮明敬事之當完

故曰成婦之義也攷之昏義婦見舅姑贊醴婦祭脯醢祭醴明敬

事自此始故曰成婦之禮也此雖存沒不同亦皆互文以見義耳然

則見廟必待三月者父母既沒為人子者謂婦之來以成絲麻布帛

以審守委積蓋歲者其事也和室人當於夫在中饋者

其行也上以奉宗廟下以繼後世此又禮之重也職或不脩有可去

之事則不可以苟合也故必待久觀其成婦之道而後廟告焉此亦

致敬於其所事也

賓射禮

大宗伯以賓射之禮親故舊朋友大司樂及射令奏騶虞大僕王射則贊弓矢小臣賓射掌事如大僕之法鍾師凡射王奏騶虞鎛師凡祭祀鼓其金奏之樂賓射亦如之眡瞭賓射皆奏其鐘鼓鼙典庸器祭祀帥其屬而設筍簨陳庸器賓射亦如之大史凡射事節中令其執其禮事司常凡射共獲旌射人治射儀王以六耦射三侯三獲三容樂以騶虞九節五正諸侯以四耦射二侯二獲二容樂以狸首七節三正孤卿大夫以三耦射一侯一獲一容樂以采蘋五節二正士以三耦射豸侯一獲一容樂以采蘋五節二正服不氏射則贊張侯以旌居之而待獲禮記射義故射者進退周旋還必中禮內志正外體直然後持弓矢審固持弓矢審固然後可以言中此可以觀德行矣

祭侯禮

射人祭侯則為位梓人張皮侯而棲鵠則春以功張五采之侯則遠國屬張獸侯則王以息燕祭侯之禮以酒脯醢其辭曰推若寧侯毋或若女不寧侯不屬於王所故抗而射女強飲強食詒女曾孫諸侯百福書曰侯以明之

燕賓禮

樂記射鄉食饗所以正交接也射義古者諸侯之射也必先行燕禮卿大夫士之射也必先行鄉飲酒之禮故燕禮者所以明君臣之義也鄉飲酒之禮者所以明長幼之序也詩小雅賓之初筵發彼有的以祈爾爵狸首篇以燕以射則燕則譽

愚按古者弦木為弧剡木為矢弧矢之利以威天下見於易繫侯以明之載於虞書則射藝已見於黃帝堯舜之時而其制度禮文則大備於周也何哉鄉三物之為教也曰六德曰六行曰六藝蓋善德植行而必播之以六藝射之所以為藝而次于禮樂者有足以成人之

德行而觀其用舍者也古者天子以射選諸侯卿大夫士以中選之多寡為之慶讓蓋亦主乎習藝觀德之成而不專寓於德侮克敵之備也諸侯之射必先行燕禮卿大夫之射必先行鄉飲酒之禮此則飾之以禮所以明君臣之義長幼之序也其節天子以騶虞諸侯以狸首卿大夫士以采蘋采芣此則飾之以樂又所以養人之德使之周還中禮而各不失其節之志也故明乎此則事功成而德行立矣事功成而德行立則暴亂不作則身安而國家可保矣學者於此念始生柔弧蓬矢六以射天地四方必先有志於其所事勉乎心之所得身之所存事之所習以趨乎進德之階窮理之地而不愧於為男子者噫豈維射哉因拜釋之

燕饗禮

大宗伯以燕饗之禮親四方之賓客籩人賓客之事共其薦脩之遵實醢人賓客之禮共醢五十壘醢人賓客之禮共醢五十壘外府凡賓客

共其財用之幣齎大司徒大賓客令野脩道委積封人凡賓客則飾其牛牲牛人凡賓客之事共其牢禮積膳之牛司門凡四方之賓客造焉則以告委人賓客共其芻薪澤虞凡賓客共澤物囿人凡賓客共其生獸死獸之物場人凡賓客共其瓜菰鬱人掌賓客之裸事和鬱鬯以實鬯而陳之司服凡賓客共其衣服而奉之典瑞凡賓客之事共其玉器而奉之鍾師凡饗食奏燕樂旌人凡賓客舞燕樂鍾師凡祭祀鼓其金奏之樂饗食亦如之箛師祭祀則鼓羽箛之舞饗食則亦如之司干祭祀舞者既陳則授舞器賓饗亦如之鞮鞻氏祭祀則斂而舞之燕亦如之典庸器祭祀帥其屬而設筍簋陳庸器饗食亦如之司常掌九旗之物名各有屬凡祭祀各建其旗賓客亦如之火司馬饗食羞牲魚棗其祭小司馬饗射掌其事如大司馬之法量人凡饗賓制其饗獻脯燔之數量羊人凡賓客共其法羊射為氏掌祭祀以弓矢歐鳥為凡賓客亦如之服氏賓客之事則祝度射人賓客則作卿大夫從司士凡賓客

作士從諸子凡賓客作群子後族貴氏掌執戈盾凡賓客則服帶緇大
僕王燕飲則相其法王既燕朝則正位掌摯相王不眠朝則解於三公
及孤卿小臣正王之燕服位王之燕出入則前驅士師王燕出入則前
驅而辟掌客掌四方賓客之牢禮飲食之等數凡諸侯之禮上公五積
皆眠殮牽三間皆積食五牢食四十簋十豆四十鉶四十有二壺四十
鼎簋十有二牲三十有六皆陳饗饋九牢其死牢如殮之陳牽四牢米
百有二十筥醢醢百有二十壘車皆陳車米眠生牢十車車乘有五
穀車未眠死牢十車車三秬芻薪倍米皆陳乘禽日九十雙股膳大
牢以及歸三饗三食三燕若弟酌則以辨致之僕伯四積皆眠殮牽再
間皆積殮四牢食三十有二簋八豆三十有二鉶二十有八壺三十有
二鼎簋十有二腥二十有七皆陳饗饋七牢其死牢如殮之陳牽三牢
米百以足醢醢百壘皆陳米三十車禾四十車芻薪倍米皆陳乘禽日
七十雙股膳大牢三饗再食再燕子男三積皆眠殮牽一問以脩殮三

牢食二十有四簋六豆二十有四鉶十有八壺二十有四鼎簋十有二
牲十有八皆陳饗饋五牢其死牢如殮之陳牽二牢米八十筥醢醢八
十壘皆陳米二十車禾二十車芻薪倍米皆陳乘禽日五十雙一饗一
食一燕凡諸侯之卿大夫士為國客則如其介之禮以待之詩湛湛露厭
厭夜飲在宗載考彤弓鐘鼓既設一朝饗之鹿鳴我有旨酒以燕樂嘉
賓之心春秋莊公四年夫人饗齊侯于祝丘
愚按春秋傳晉侯饗齊侯宋公饗晉侯楚子饗晉公小邾子鄭子來朝
公與之燕公饗宰周公范宣子饗晉六卿于蒲圃齊俞華耦來公與
之燕至鄭伯饗王王饗晉侯經皆不書而書夫人饗齊侯則以其非
禮也

饋獻禮

掌客掌四方賓客之饋獻飲食之等數上公之禮羣介行人宰史皆有
牢及歸凡介行人宰史皆有殮饗饋以其爵等為之牢禮之陳數皆上

介有禽獻夫人致禮八壺八豆八簋膳大牢致饗大牢食大牢卿皆見以羔膳大牢侯伯凡介行人宰史皆有殽饗餼以其爵等為之禮唯上介有禽獻夫人致禮八壺八豆八簋膳大牢致饗大牢卿皆見以羔膳持牛子男凡介行人宰史皆有殽饗餼以其爵等為之禮唯上介有禽獻夫人致禮六壺六豆六簋膳視致饗親見卿皆膳特牛

饋相禮

司儀掌九儀之賓客饋相之禮以詔儀容辭令揖讓之節凡諸公相為賓主國五積三問皆三辭拜受皆旅擯主君郊勞交擯三辭及將幣交擯三辭車逆拜辱賓車進答拜三揖三讓每門止一相及廟唯上相入賓三揖三讓登再拜授幣及出車送三請三進再拜賓三還三辭告辟諸公之臣相為國客則三積皆三辭拜受及大夫郊勞旅擯三辭拜辱三讓登聽命下拜登受賓使者如初之儀及將幣旅擯三辭拜逆客辟三揖每門止一相及廟唯君相入三讓客登拜客三辟授幣下出大僕

王燕飲則相其法王眡燕朝則正位掌擯相玉藻小國之君曰孤擯者亦曰孤上大夫曰下臣擯者曰國君之老下大夫自名擯者曰寡大夫公士擯則曰寡大夫寡君之老大夫有所往必與公士為賓也聘義卿為上擯大夫為承擯士為紹擯三讓而後傳命三讓而後入廟門三揖而後至階三讓而後升所以致尊讓也禮器禮有擯詔樂有相步溫之至也

送逆禮

訝士邦有賓客則與行人送逆之司儀王燕凡諸侯相為國主賓主君郊勞交擯三辭車逆拜辱三揖三辭拜受車逆三還再拜及將幣車逆拜辱再拜授幣賓拜送幣及出車送諸公之臣相為國客及大夫郊勞旅擯三辭拜辱及退拜送及將幣拜逆客辟授幣下出君館客客辟介受命遂送凡四方之賓客禮儀辭命餼牢賜獻以二等從其爵而上下之凡賓客送逆同禮齊僕掌饗食皆乘金路其法儀各以其等為車送

逆之節環人掌送逆邦國之通賓客以路節達諸四方聘義君使士迎于竟大夫郊勞君親拜逆于大門之內而廟受北面拜貺拜君命之辱所以致敬也敬讓也者君子之所以相接也

勞禮

小行人凡諸侯入王則逆勞于畿及郊勞眠館司儀凡諸公相為賓主國五積三問再勞三辭三揖登拜受拜送郊勞三辭諸公之臣相為國客則三積郊勞三辭及禮私面私獻君勞客客再拜稽首君答拜致饗餼如勞之禮曲禮大夫士見於國君君若勞之則還辟再拜稽首

致贈禮

司儀致饗餼還圭饗食致贈及禮私面私獻皆再拜稽首君答拜聘義君親禮賓賓私面私覲致饗餼還圭璋賄贈饗食燕所以明賓客君臣之義也

愚按古者天子諸侯皆有朝聘之禮如大行人歲編存三歲編規五

歲編省此天子所以撫諸侯之禮也春朝而國天下之事時聘以結諸侯之好此諸侯所以事天子之禮也至於歲相問教相聘世相朝此諸侯邦交之禮也禮若國君親往則大夫從王燕凡諸公用為賓主國其擯相禮儀餼牢賜獻各以其爵之等相待也聘畢主國君親執醴以禮賓而遂有私面私獻之禮賓行拜再拜稽首所以正交接之義也致饗餼還圭璋賄贈饗食燕者賓介就館王君使卿致饋於賓而還以執來之圭加以賄贈之禮也然則大夫從君聘而以己之私物覲見主國之君面見主國之卿大夫可乎夫執圭所以申信也將幣所以致敬也私以庭實充于諸侯之庭則不敬也不敬是無王矣夫既從君聘禮無外交也外交是二君矣此皆非禮也注者謂若大夫執其君之命圭而專使則當行私覲之禮以申己之信其說悖矣夫從君而來與受命而聘一也一乃專二乃辟也致之大宰以八柄詔王馭群臣曰祿以馭其富予以馭其幸若相覲以貨是人臣

以利交也人臣以利交則二者胥失矣二者苟失其不致於無禮奪亂者未之有也

賀慶禮

大宗伯以賀慶之禮親異姓之國大行人賀慶以贊諸侯之喜小行人若國有福事則令慶賀之玉藻有慶非君賜不賀士於大夫不承賀下大夫於上大夫承賀

脰膾禮

大宗伯以脰膾之禮親兄弟之國小宗伯饗食授祭大司馬饗食羞牲魚授其祭祭僕凡祭祀致福者展而受之大行人歸脰以交諸侯之福春秋昭公十四年天王使石尚來歸脰公羊傳脰者何俎實也脰曰脰熟曰膾

愚按受脰于社是諸侯助祭而授俎實也非助祭則不授也如襄王使宰孔賜齊侯胙是齊桓有獎王之功而加以殊禮也今天公使石

尚賜宜社之肉于魯非緣助祭於京師曾是以為禮乎是故受脰禮也歸脰非禮也

經禮附說

周禮一書果為周公所作乎漢武嘗謂周禮為潰亂不驗之書何休又云六國陰謀之書歐文忠公謂周禮可疑者二蘇頌謂周禮不可信者三是皆論以為非周公之遺制也然則周禮果非周公所作乎朱子蓋嘗以周家法度廣大精密言之嘗以周公建太平之基本稱之又嘗以周公從廣大心中流出稱之張橫渠謂周公治周莫詳於周禮賈公彥序周禮廢興又謂鄭玄編覽群經知周禮者乃周公致太平之迹是則又明為周公所作也攷之西漢志於周禮未之見東漢儒林傳乃謂周官經六篇本孔安國所獻隋經籍志乃云漢時有李氏得周官上於河間獻王獨缺冬官一篇獻王購以千金不得遂以考工記補成六篇奏之孝武時蓋有其書特未與五經例置博

士耳至西漢劉歆始置博士遂盛行於世後世因有周禮作於劉歆之說是則周禮作於周公而非他人之制明矣然冬官何為而缺也經雅秦燬散佚之餘與漢儒編錄附麗之誤而始謂之缺也何以知其然愚因考補散逸得之夫五官所掌曰治曰教曰禮曰政曰刑而冬官則掌邦士或坐而論道謂之王公或作而行之謂之士大夫或審曲面勢以飭五材以辨民器謂之百工通四方之珍異以資之謂之商旅飭力以長地財謂之農夫治絲麻以成之謂之婦功此冬官之大較也見考工記所載者其屬二十有九皆工之事而士與商農之職俱缺焉考之春官之中如世婦內宗外宗皆官中之職本屬冬官而官而乃入之春官夏官之中如司士諸子皆掌士之職本屬冬官而乃入之夏官地官之中如司市質人廩人賈師司疏司稽胥各肆長泉府此皆主於商土均草人稻人場人司稼等職此皆主於農皆本屬冬官因其職與大司徒掌土地人民者相類乃以入之地官若是

者謂非編錄附麗之誤不可也况小宰記六官六屬各六十攷之天官自大宰以下六十二地官大司徒以下七十九春官大司馬以下七十一夏官大司馬以下六十九秋官大司馬以下六十五何則冬官獨缺而為數不及五官皆盈而餘數過之理無是也他如儀禮有畜天之官國語有司商之官皆不載諸周禮此亦冬官之脫簡也要之見載於考工記者固為冬官之屬然司空掌邦士居四民時地利職不止此當自大司空小司空而下擬夏官之中掌士者地官之中掌商農者與夫畜天司商之數并今考工記所載之工擬冬官則不惟合於周官司空之所職與小宰六官六屬之目而且周公制作之盛繁然溢著于編使人得以觀其會通而為太平典禮之全書也克寬因并錄卷末以俟博古君子正焉

休寧山斗程天保繕寫

鄉先正環谷汪先生著書凡十餘種皆擴前賢所未
發有益學者然惟春秋胡傳纂疏綱目凡例考異盛
行餘多不傳蓋聞先生既沒悉被一人詔去掩為己
書矣經禮補逸一篇尤號精確不可得見可見若侍
郎曾公之序爾予族孫恕保女婿及之恒切憤悼思
盡復其書之亡者未能也其子儒學生啓從予遊知
予之憐予是乃百計購得之其原本雖被改竄然
有附麗而無利補所改竄亦不過以馬為也似乎為
類真贋之訟皦然甚明使其人重錄一遍毀去

此本則先生之故書不可釐正矣此天不墜之而後
學之幸也先生之孫文彙從之孫仁智等以想保堅
圖刊布祁門令武昌韓君伯清實來相之予因為手
校且摹先生之真于編首別為附錄一卷使學者得
以致高山景行之思焉乃羨韓君之興教善俗之想
保之秉義尚賢文彙仁智等之守禮宗孝皆得附書
為末若勸時弘治十年歲次丁巳冬十有二月上澣
新安後學程敏政謹識



